



11. marts 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Royal Arctic Linemit agguagarsiat pillugit:

1. Suna pissutaava Naalakkersuisut Royal Arctic Linemit agguagarsiumallutik piumasqarsimanerannut naak ingerlatseqatigiiffik amingartoornikuugaluartoq?

2. Naalakkersuisut isumaqarnerlutik assartuinnermut akit qaffanneqartariaqarsimanngikkaluartut Naalakkersuisut ingerlatseqatigiiffimmit amingartooruteqarluni ingerlasumit agguagarsiumalluni piumasqarsimanngitsuuppat?

(Inatsisartunut ilaasortaq Andreas Uldum, Demokraatit)

Tunngavilersuut:

Isertuunneqanngilaq Royal Arctic Linep assartuinnermut akit 5 procentinik qaffannikummagit ulloq 1. marts 2014 aallarnerfigalugu. Tamanna Naalakkersuisunit aalajangerneqarpoq akuerineqarlunilu. Assartuinnermut akinik qaffaaneeq soorunami akeqarpoq Demokraatinilu isumaqarpugut, assartuinnermut akinik qaffaanermut akiligassaq naggataatigut atuisunut tukkumaarmat, akit qaffanneqarnerisigut.

Assartuinnermut akit qaffattariaqarnerannut arlallit pissutaasinnaapput aamma uani pisumi Royal Arctic Linep namminee qissutaatippai assartortakkat ikiliartornerat. Tamanna soorunami pissusissamisoorpoq, eqqumiiporli Naalakkersuisut taama pisoqarnerani piumasarimmassuk Roayl Arctic Linemit 25 millioner koruuninik agguagarsiumallutik.

Roayl Arctic Linep ukioq naatsorsuusiorfiusoq aningorpaa amingartooruteqarluni taamatullu pisoqartillugu oqaatigineqarsinnaanngilaq pissusissamisoortoq, piginnittut agguagarsiumallutik piumasqassappata.

Demokraatini isumaqarpugut Naalakkersuisut innuttaasut akiliisikkumanerugaat namminneq missingersuusiaminni pingaarnersiuiinissartik qissimeqqaallannguarnagu.

Apeqqutit akeqquneqarput ullut suliffiit naliginnaat qulit iluanni.